

211



政治典訓初集

恩禮  
卷四十二





政治典訓初集卷第四十二

恩禮

○康熙九年二月丁丑初大學士衛周祚以  
年近六旬引疾乞歸

上曰。卿弼亮供職有年。勤勞成疾。深軫朕念。其  
乘傳歸里調治。仍食祿如故。俟病痊起用。至  
是周祚已支俸三季。具疏懇辭。

上報曰。卿在官著有勞績。歸里調治。特給祿以

資願養。可仍遵前命。祇受勿辭。

○康熙十一年六月辛丑。先是兵部尚書王弘祚引年乞休。

上念其舊勞。命乘傳歸。仍諭滇省藩司給俸。至是弘祚䟽辭。

上報曰。卿在官著有功績。引年乞休。特給俸祿。以資願養。其仍遵旨。祇受。不必控辭。

○康熙十二年二月辛酉。

上諭致仕耆舊大臣曰。禁門有耆舊大臣。規模甚覺可觀。其大臣等有疾。若必入奏請醫。或有未便。嗣後有疾者。於藥房諸醫中。惟其所欲。延往調治。不必奏聞。朕亦即傳諭諸醫知之。

○八月乙卯。

上命侍衛傳

諭福建總督范承謨曰。爾向有賢聲。與他人不



同。且福建邊疆重地。海氛未靖。爾其益加勉勵。副朕簡任。於常例賞賜外。加賜尚帽一。尚衣一。內廐鞍馬一。

○康熙十七年十二月甲戌。

上諭大學士索額圖明珠曰。滿洲大臣有喪。特遣大臣賜以茶酒。自後凡遇漢大臣有喪。命內閣翰林院官亦賚茶酒往賜。以昭朕優禮大臣。滿漢一體之意。

○康熙十九年十月戊戌。昭武將軍福建提

督楊捷以老病乞休。

上報曰。卿簡任提督。効力巖疆。久歷戎行。勞績懋著。年老有病。朕已悉知。閩地炎蒸。卑濕。與卿病體非宜。特調補江南。以便醫藥。可速赴新任。安輯兵民。仍加意調攝。副朕眷待之意。

○十二月庚子。大學士杜立德引年乞休。

上曰。杜立德精神步履。果屬衰邁。第老臣練達。



宜留朝列以裨觀瞻。可仍留任。

○康熙二十年十二月己丑。大學士圖海馮溥各具疏引年乞休。內閣奉折本請

旨。

上曰。老成在位。觀瞻所繫。俱還其奏。

○丙申

上謂大學士勒德洪等曰。詔款關係甚重。大學士圖海杜立德。雖卧病家居。仍應與之商酌。

俾各抒所見。以示朕慎重機務。優待老臣之意。

○康熙二十一年正月壬戌

上遣中使捧

御札賜大學士杜立德酒饌。

御札云。諭大學士杜立德。卿弼亮老臣。久任機密。端醇恪恭。勤慎素著。茲海宇蕩平。時當令序。內殿賜宴羣臣。念卿卧疾。不克同此歡讌。



特遣中使慰問。賜以醴饌。卿其加餐珍攝。以副朕惓惓至意。

○五月己未。大學士杜立德以老求罷。

上報曰。卿輔弼重臣。端醇恪慎。簡任機務。効力有年。勤勞素著。倚任方殷。覽奏情詞懇切。准解任調理。馳驛回籍。仍遣官護送。以示眷懷。

○六月甲辰。大學士馮溥以年老乞休。

上報曰。卿輔弼重臣。端敏練達。簡任機務。効力

有年。勤勞素著。倚毗方殷。覽奏以年邁乞休。情辭懇切。可以原官致仕。馳驛回籍。仍遣官護送。以示眷懷。

○八月癸未。

上御保和殿。經筵畢。

召講官牛鈕陳廷敬至。

乾清宮。

諭曰。大學士杜立德贊襄機密。積有歲年。敬慎



儲公忠實多勞績。今請老還鄉。朕念老臣遠去。親製詩章。揮灑翰墨。爲一卷軸。又書唐詩二軸。及內製篆章一方。墨刻二冊。汝等齎賜。以昭朕優禮眷顧之意。

御製詩序曰。內閣大學士杜立德。弼亮老成。綸扉久重。引年請歸。陳乞至再。遐心既固。未可勉留。詩以送之。用申縉綬之懷。詩曰。十載資賢佐。勞深致太平。訐謨留紫闥。風度重丹楹。

方倚益梅畧。難違丘壑情。餐芝黃綺伴。軒冕有餘清。其篆章文曰。怡情洛社。

○辛丑。

上諭講官牛鈕陳廷敬曰。大學士馮溥効力有年。請老歸里。前疏所奏。朕已悉知。今特賜詩一章。爲一卷軸。篆章一方。墨刻一冊。汝等傳諭朕意。朕聞山東之仕於朝者。大小固結。彼此援引。凡有涉於己私之事。不顧身家。徃徃



造爲議論。彼倡此和。務使有濟於私而後已。又聞其居鄉多擾害地方。朕皆稔知其弊。馮溥久在禁密之地。歸里後可教訓子孫。務爲安靜。故大學士衛周祚居鄉謹厚。在閭里中。若未嘗任顯秩者。必如此人。方副朕優禮之意。

御製詩序曰。內閣大學士馮溥。贊襄密勿。著有勞勩。乃以高年。數請歸老。念深箕頰。頓謝簪

綬。悵別之心。聊書四韻。詩曰。環海消兵。印元臣樂志。年草堂開綠野。別墅築平泉。望切巖廊重。人思霖雨賢。青門歸路遠。逸興豁雲天。其篆章文曰。適志東山。

○康熙二十二年七月丙申。

上問大學士等曰。提督張勇將到京否。明珠奏曰。不久當至。

上曰。張勇封疆大臣。素有功績。其抵京日期可

令兵部預行奏明遣官迎勞

○九月壬申

上召刑部尚書魏象樞至

乾清門問其病狀及所服何藥象樞奏曰臣自保定忽嬰眩暈之疾到京後舉發不時前侍經筵出又昏暈仆地扶掖而回服藥稍愈因部務繁劇即入署辦事

上曰近來部中事件能速結否象樞奏曰臣等

屢奉

聖諭案牘稽遲以致罪人淹禁謹體

聖心勉力辦事常至日暮始出近來事件完結者多惟一事經由兩衙門完結者往來遲滯尚有數件奏畢

上命賜參膏一瓶人參二觔象樞頓首謝

恩出

○康熙二十三年正月乙卯大學士黃機以



老求罷。

上曰。黃機雖贊理機宜。微窘邊幅。而冲和謹厚。居鄉泊如。非恣肆者比。可如馮溥致仕例。優旨答之。

○四月辛亥。刑部侍郎宗文運因病乞休。

上曰。宗文運服官以來。謹慎廉潔。克稱厥職。今因患病請罷。情辭懇切。可如所請。令其致仕。復還所降之級。仍加太子少保。

○六月壬寅。

上避暑塞外。駐蹕三道河。侍臣奏領侍衛內大臣公福善有疾。

上駕幸福善幕視之。福善令人扶掖跪迎。奏云。臣犬馬微軀。蒙

聖躬臨視。何以克當。因感激泣下。

上慰之曰。卿一時寒熱不調。偶嬰斯疾。料無他虞。朕親自臨視。冀卿悅懌。痊可耳。今反感傷。

於病何益。乃

令醫診脉。又

賜以御用良劑。

上還行宮。復傳

諭曰。福善可暫留。溫泉養疾。令其兄弟用心護

視。醫官加意調理。其病狀若何。不時來奏。

○八月乙巳。刑部尚書魏象樞乞休。

上報曰。卿才品優長。簡用司寇。勞勩實多。嘉賴

方殷。乃忽以衰病求罷。覽奏情詞懇切。可令

以原官致仕。馳驛回籍。

九月己丑。象樞陞辭。

上賜御書寒松堂扁一。又

賜御製古北口詩一幅。象樞跪受。畢復

命入乾清宮。至

御座側。

賜座。



賜茶。

問曰。爾頭暈愈否。飲食何如。象樞奏曰。臣病視前差輕。飲食亦稍加。臣實不才。蒙

皇上不以不才待臣。臣觀前代史冊。優禮臣工。未有如今日者。請宣付史館。以昭朝廷德意。

上曰可。

○十一月辛卯

上諭內閣部院曰。部院大臣年老者。藉以料理政務。不以筋力為禮。如勒德洪亦有足疾。初無碍於政事。頃尚書李之芳齋捧本匣。以表厚失足。倘有損傷。朕心深為不忍。自後本匣。令尚書侍郎內。年力少壯者捧進。可諭部院官知之。

○康熙二十七年二月庚戌。原任大學士杜立德赴

大

行太皇太后喪。哭臨禮畢。具疏回籍。

上曰。原任大學士圖海與杜立德。遇事俱能公  
正直言。殊可嘉尚。今杜立德臨喪回籍。從前  
大臣奔赴國喪而回者。曾有例否。其詳察以  
聞。

戊辰。立德及馮溥辭歸。溥亦以

大

喪自原籍來赴。

上以二人効力舊臣。特

命禮部引見。

上諭曰。本應賜爾飯。屬有國恤不便。爾等俱係

暮年歸。宜加意調攝。

命賜茶。各賚緞五表裏。

○康熙三十一年四月丁未。大學士王熙引

疾求退。

上曰。卿才品優長。効力年久。自

世祖皇帝時。簡侍禁廷。恪恭盡職。朕屢加擢用。游



進綸扉夙夜殫心勤勞茂著今

先帝舊臣俱已凋謝惟卿獨在班列朕眷倚良殷

雖精力就衰而老成練達之臣常侍左右殊有裨益着勉力調攝照舊供職不必求彜

○八月癸巳兵部題覆陝西興安總兵程福亮老病自行乞休與例不符應行該督撫

驗明

上謂大學士等曰程福亮宣力有年行間勞苦

若令督撫驗明致生慚愧不必更驗即擬溫旨批出

○康熙三十二年十一月庚子朔

上諭伊桑阿等曰朕每日聽政必於辰刻中御門聞部院奏事大臣每日於黎明時齊集中門外久候方始入奏迨奏畢復各歸署理事無乃勞甚朕觀大臣內有年近六旬者亦有六旬以上者朕必不先期御門此後大臣於



家中各進糜粥。按時來奏。亦不至遲悞。大臣  
節勞養體。亦可多為朕宣力數年。爾等可將  
朕旨傳與部院大臣知之。

十二月壬申。

上諭伊桑阿等曰。朕觀近日政務簡少。每日啓  
奏。部院大臣中有年邁者。甚屬勞苦。自後年  
六旬以外大臣。令其量力。間二三日一來啓  
奏。至折本內遇緊要事。朕有旨傳進。爾等方

來請旨。若無朕旨。爾等將折本彙齊。亦間二  
三日一來啓奏。

○康熙三十三年四月辛未。

上傳大學士伊桑阿阿蘭泰王熙張玉書尚書  
庫勒納馬齊索諾和圖納薩木哈班第左  
都御史沙海侍郎常書朱都納安布祿滿  
丕西喇學士德珠常綬至

暢春苑。從澹寧居右行至淵鑒齋前。沿河堤



列坐

賜飯畢

上御船遶淵鑿齋而下

命諸臣從岸上賞花。諸臣過橋向西北行。苑內景物目不暇給。

上又登岸。令諸臣隨行。隨地輒

親指示。諸臣得見所未見。遊畢。令乘舟回過淵鑿齋登岸。謝

恩而出

癸酉

上御玉泉山靜明園。諸臣俱集。從園西門入園。依山麓。引泉水灌注其中。池臺亭館。初無人工雕飾。而因高就下。曲折精雅。攀躋眺望。自辰迄午。遊歷方遍。諸臣出至園門外。謝奏曰。臣等生平經歷山水。從未見如此勝景。真與靈臺靈沼並美。千古蒙

恩賜遊宴。臣等非常之幸。

上遂登舟回。

暢春園。後留二舟一。

賜康親王乘坐一。

賜諸臣并載。仍傳。

諭前往啓。聞令至西直門登岸。諸臣咸踴躍欣

慶。

聖世泰交之盛。自卷阿咏歌以後。曠世僅見云。

○康熙三十八年九月戊午。

上諭大學士伊桑阿。王熙。吳璵曰。大學士阿蘭

泰事朕年久。清純敬謹。聞其病篤。即遣皇長

子往視。朕欲親與面訣。不意皇長子回奏。業

已昏迷。因而停輦。朕在瀛臺。聞其將危。即時

回宮。尋得凶問。深用震悼。隨令皇長子等臨

其喪。賜鞍馬四匹。白金千兩。人臣病故。雖無

輟朝之例。朕心不忍。特停辦事一日。伊桑阿



等咸感激奏謝

○康熙四十年七月丁亥。

上駐蹕沙爾丹山。領侍衛內大臣公費揚古有疾奏

聞。

上率

皇太子諸皇子大臣侍衛等往視。問得病緣由。以費揚古帳幕甚狹。

命賜御用帷幕。

特停鑿一印。隨

命大臣往視。又不時遣親近侍衛問之。復

賜蟒緞白金等物。尋知費揚古病篤。遣內大臣

侍衛護送還家。廣儲司郎中塔金泰至邊

口治其棺槨。

○九月癸丑。大學士王熙以致仕疏謝。

上曰。王熙係

世祖章皇帝時舊臣簡任大學士已二十年効力甚久着加宮保伊桑阿奏曰阿蘭泰亦勞績茂著伏乞

聖慈亦加贈宮保

上從之

○康熙四十一年二月甲寅

上自易州啓行原任禮部侍郎降級田種玉送駕

上顧大學士等曰田種玉昨接駕時朕見其年已七十餘念其曾爲大臣復其原級傳諭吏部知之

○己巳

上駐蹕真定府

諭大學士馬齊侍郎法良曰此城十餘里有原任大學士梁清標墓凡朕巡行所及遇已故大臣墓並行遣奠爾等其往奠之



○閏六月癸未。宗人府以佛聖保控告覺羅存柱之佐領非其世襲。請正其罪。

上曰。已哈納者舊世臣。位極尊榮。祀神賜食。恒坐班首。此佐領正其世襲。佛聖保捏詞誣告。情殊可惡。命鞭一百。枷三月。發黑龍江披甲。効加。

○戊戌。

上御熱河行宮聽政。吏部覆御史王度昭所奏。

尚書李振裕收取屬禮。應革職。

上顧大學士馬齊曰。吏部此議甚謬。李振裕果

如王度昭所奏。貪鄙勒取屬禮。其罪寧止革

職。若非勒取。止收一圍屏。豈宜以細故輕黜

大臣。凡堂官受屬吏圍屏。亦常事耳。即彭鵬

李光地趙申喬。皆稱清吏。豈皆一物不受。孟

子謂伊尹一介不以與人。一介不以取諸人。

此誠罕有。頃松柱等自粵東來。奏總督石琳



巡撫彭鵬張志棟所餽皆受。因此亦將伊等  
議處可乎。席爾達自陝西來時。曾奏藩庫羨  
餘。每歲分受萬金。今現為吏部尚書。若以大  
臣受一圍屏。即議革職。如席爾達之每歲分  
受萬金者。更以何罪處之。山東人喜於挾仇。  
王度昭此奏。未必不為其同鄉之為司官者  
快其私怨。其令九卿詹事科道會同王度昭  
面質詳問定議以聞。

辛丑。

上復問馬齊曰。李振裕之事。爾意九卿云何。馬  
齊奏曰。

聖明洞燭。九卿聞  
旨。應罔不驚服。

上曰。李振裕果有大過。自宜糾劾。若以圍屏細  
故黜之。嗣後挾私生事。互相叅揭者。必多。前  
有叅李柟發書於趙鳳詔者。亦不久當。漢官



筆札往復乃其常事。或爲其親朋懇求，不得已而發者有之。此風必不能止。况李枏書詞浮泛，無閑緊要。若郭琇、若彭鵬、若李光地，皆號清吏，然索其筆札，安能保其必無。但確然有守，不徇請託可矣。

○康熙四十二年四月丁亥，馬齊等以大學士熊賜履引年乞休，疏請

旨。

上曰：熊賜履才學敏，瞻講幄久，勞簡任，綸扉勤慎益著。老成在列，倚毗方殷。覽奏引年求罷，情詞懇切，准以原官解任，仍食俸，留住京師。用脩顧問，以示朕優眷舊臣至意。

○五月壬戌，大學士馬齊等覆奏原任侍郎任克溥、九卿言其原係言官，曾條陳數次，居官亦優。

上曰：任克溥今已年老，向日居官本優，因公註

誤草職。應否給以尚書空銜。着再問九卿。既九卿咸以爲宜。

上遂錫以尚書銜焉。

○康熙四十三年二月戊辰。大學士馬齊等奏廣東巡撫彭鵬遺疏。

上曰。彭鵬自知縣歷任巡撫。居官俱優。大小官員以及親友。未嘗異視。倏聞奄逝。朕心深爲憫惻。爾等可即於遺疏上擬優旨批之。

○十一月癸亥。

上諭大學士等曰。朕嘗閱史書。自古大臣得始終善全者少。朕今御極四十餘年。大學士衛周祚。馮溥。杜立德。李蔚。宗德。宜王熙等。俱得全功名。而考終命者。皆朕爲之保全也。朕從不多生一事。但穆然清靜。處以和平。故諸臣皆得蒙福焉。

○康熙四十四年五月庚午。吏部題大學士



吳璵員缺

上曰舊例大臣病故必俟其柩還籍方爲補授此乃眷念大臣之意今大學士吳璵身故尚未發引何亟亟乃爾本著發還

○康熙四十五年十月壬寅大學士等奏老臣回籍馳驛遣官護送例前任大學士杜立德黃機回籍時俱馳驛遣官護送

上曰大學士熊賜履還鄉亦照此例遣官給驛

護送

○康熙四十六年五月乙亥理藩院題爲照例請賞

朝正諸王貝勒事

上曰准如所議行其身故之王及貝勒亦著照例給賞

六月癸丑

賜浙江耆民王錫元兄弟五人頂帶榮身二

人年八十餘。給八品頂帶。三人年七十餘。給九品頂帶。

○七月辛未

上以厄魯特三品官羅卜臧西喇卜。向在噶爾丹處。乃顯貴之人。今厄魯特老成凋謝。授為散秩內大臣。使衆厄魯特聞之亦喜。

○康熙四十七年閏三月己丑。大學士馬齊等。覆請吏部尚書宋犖年老乞休。

上曰。遣學士一員往驗之。黑壽遵旨往驗。是真。并以原疏覆請。

上曰。宋犖著准其休致。可多擬溫旨具奏。己亥。馬齊等擬票覆奏。

上曰。所擬之旨尚有未盡。應將宋犖為江寧巡撫。居官善處。增入。

○康熙四十八年十一月丙子

上謂大學士等曰。觀總漕桑格為人。極其謹厚。



寬平。生來一善人也。朕甚嘉之。能賜履嘗對  
朕奏云。彼不識一字。而存心行事。較讀書人  
遠甚。此言誠是也。彼自簡任總漕以來。盡心  
經理漕務。親身催趲糧艘。十有餘年。並未嘗  
怠緩遲悞。而且撫恤運官運丁。是以衆皆竭  
力無不感戴。今年已七十有七。其舉動乘馬  
遠過少年。蒞任年久。實心効力。誠可嘉也。著  
兼尚書銜。加太子太保。以示朕寵眷勞臣之

至意。

○十一月己卯

上諭吏部漕運總督。歲輸玉粒。上裕京儲。綏理  
軍民。拊循丁弁。職任至為重要。總督秦格簡  
任治漕以來。老成持重。謹厚寬平。殫力轉輸。  
悉心經畫。每歲身親饋運。俾漕艘依期抵通。  
十餘年間。從無稽遲貽悞之事。且馭衆有法。  
卹下有恩。所屬運官旗丁。無不感頌愛戴。真



不愧為地方大吏。今年齒已長。而精力未衰。久任勤勞。良可嘉尚。著特授兵部尚書兼都察院右都御史。仍加太子太保。以示朝廷崇獎老臣。酌庸褒勛。至意。爾部即遵諭行。特諭。

○十二月戊戌

上問大學士溫達。初任何衙門。及其為筆帖式年分。又問其姓。溫達奏曰。臣姓佛摩。

上曰。西白部落姓佛摩者多。爾西白部落之人乎。溫達奏曰。臣乃瓦爾喀部落之人。本姓馬家。

上曰。馬家諸姓。皆朕舊臣也。向有嚮化者。佛摩。送正者。馬家之說。朕記得。正白旗原任侍衛。朱爾呼等。亦姓馬家。其子濟奎。佐領。今現在。膳房。因謂左右。爾等往問之。

起居注官少詹事拉薩里奏曰。濟奎果姓馬家。



上曰爾何以知之。拉薩里奏曰。臣親伯阿爾呢  
所娶。乃濟奎之姑。臣是以知之。

上曰。爾所知果真否。拉薩里奏曰。臣知之甚真。  
諸臣奏曰。

皇上於臣等姓氏記而不忘。真神奇也。

上曰。朱爾呼之父傅喀曾為上駟院官。朕是以  
識之。謂左右曰。拉薩里之父納木塔里。係故  
尚書阿爾呢之親弟。乃朕典宿衛之賢者也。

又逐一詳問學士塞爾圖孫柱滿。至進用之  
年。所歷衙門及族姓。又向

起居注侍郎揆叙。問葉赫東城貝勒之名。揆  
叙奏曰。名納林布魯。

上曰。哈達之貝勒名孟格布魯。葉赫之貝勒名  
納林布魯是也。朕向見爾久欲問此。

○康熙五十年五月丙午。

上駐蹕熱河行宮。大學士溫達以昨夜子時張

王書病故奏

聞。

詔大學士會同部院官負內務府總管照漢禮  
衣殮發往京師。張玉書家道平常。賜銀一  
千兩。著大學士親交伊家人令帶回家辦  
理後事。是日大學士溫達等具本謝

恩奉

旨著擬票進呈。翼日丁未。頒出

御製輓張玉書詩及序交與溫達。

序曰。朕自少年讀書。往見大臣。不能保其  
始終。故立志待大臣如手足。不論滿漢蒙古  
非大奸大惡法所不容者。無可奈何之外。五  
十年來。如大學士蔣合德。衛周祚。李蔚。杜立  
德。馮溥。黃穢。吳正治。王熙。李之芳。宋德宜。梁  
清標。李天馥。張英。熊賜履。吳璵。陳廷敬。皆以  
年老告辭。得以林下怡養。保全名節。朕亦未



嘗少忘。常使人存問。始終如此。凡在朝諸臣。無不以家人父子。矢忠盡力。與朕同事者。無不同朕鬚髮皆白也。宿學老臣。辭世者。辭世告退者。告退。朕每每傷心痛哭。今又有大學士張玉書之事。朕悲悼不已。故援筆作輓詩一首。令卿等知之。

詩曰。文章未盡秉絲綸。舊德凝承近紫宸。瀚海天山同正畧。江干河道與嘗新。表賢未及

身先沒。願養深談夢後湮。揮淚長歔歎佐斗。從來傷痛肅雍臣。大學士溫達奏曰。

皇上發出御製序及詩。傳集扈從大臣官員翰。林俯伏宣讀。切惟

皇上正追悼宿昔老臣未已。今又值張玉書病。故以致愈增悲感。故作詩發出。臣等公閱。感激之下。無不傷心揮淚者。在生之日。則始終寵榮。恭養以保全之。身沒之後。又破

格施恩。此真古昔以來所未有也。如果有  
知。凡此臣庶在九泉之下亦感激靡寧。臣  
等稽首頓首伏祈

皇上不必悲感休養

聖躬。並請將

皇上御製序文及詩發往京師宣示滿漢大臣

九卿詹事科道

上許之。尋

允禮部疏

詔張玉書加祭一次。追贈宮保。







